

Vischnaunca da Mustér

Regulativ pil menaschi dil Center Fontauna

2020

I. Determinaziuns generalas

- Art. 1 Principi
2 Intent
3 Principis d'organisaziun

II. Cumissiun da menaschi

- 4 Cumposiziun
5 Organisaziun
6 Incumbensas generalas
7 Obligaziuns e cumpetenzas
8 Indemnisaziun
9 Dretg da suttascriber

III. Meinafatschenta

- 10 Meinafatschenta

IV. Disposiziuns finalas

- 11 Vigur

I. Determinaziuns generalas

Art. 1 Principi

¹Il "Center Fontauna Mustér (CF)" ei in menaschi public independent, ch'appartegn alla vischnaunca da Mustér.

²El vegn menaus sco atgna unitad cun in quen separau tenor ils criteris da fatschenta.

Art. 2 Intent

¹Il CF porscha ad in e scadin pusseivladads da far sport e da passentar il temps liber ed ei in liug da sentupada ed in'attracziun turistica. El porscha ad indigens e hosps ina buna infrastruttura e survetschs.

²Prestaziuns publicas en favur d'uniuns e scolas vegnan indemnisadas tenor prestaziun.

Art. 3 Principis d'organisaziun

¹Il CF ei organisaus e vegn menaus tenor criteris economics. Las amortisaziuns e las investiziuns vegnan risguardadas directamein el quen dil Center Fontauna.

²La collaboraziun denter autoritads communalas ed il CF sco era las finamiras a liunga vesta e la garanzia davart las prestaziuns publicas ein fixadas en ina cunvegna da prestaziun.

³La vischnaunca sco proprietaria dil Center Fontauna stat botta per tuttas obligaziuns dil CF. Ils detagls vegnan fixai ella cunvegna.

II. Cumissiun da menaschi

Art. 4 Cumposiziun

¹Per la gestiun dil menaschi CF ei la cumissiun da menaschi responsabla. Ella secumpona da tschun commembers, eligi dil cussegl da vischnaunca. La cumissiun seconstituescha sezza ed elegia siu president. Il meinafatschenta assista allas sedutas cun vusch consultativa.

²Per garantir in equiliber ella cumissiun astga maximalmein in commember d'ina uniun ni d'ina famiglia esser presents (decisiv ei l'appartenenza d'ina uniun ils davos diesch onns).

Art. 5 Organisaziun

¹La cumissiun seraduna sin invitaziun dil president ni da siu substitut tenor basegns, denton silmeins quater ga ad onn.

²Per las proceduras vala il regulativ da fatschentas.

Art. 6 Incumbensas generalas

El rom da sia incarica ha la cumissiun tuttas obligaziuns e cumpetenzas, buca adossadas ad in auter organ communal. Ella procura en special che las prescripziuns e cundiziuns vegnan risguardadas.

Art. 7 Obligaziuns e cumpetenzas

La cumissiun ha las suandontas obligaziuns e cumpetenzas specialas:

- a) Predeliberar projects e damondas en connex cun l'incumbensa da prestaziun.
- b) Preparar il quen ed il preventiv.
- c) Relaschar reglaments interns da menaschi, sco carnets da duers, instrucziuns da survetsch etc.
- d) Survigilar l'administraziun ed il manteniment dils stabiliments che surveschan al menaschi.
- e) Proponer alla suprastanza communal l'elecziun dil meinafatschenta.
- f) Representar il CF anoviars e procurar per la coordinaziun denter il CF e l'interessenza (p.ex. interpresas turisticas).
- g) Far las investiziuns lubidas.

Art. 8 Indemnisaziun

L'indemnisaziun sedrezza tenor il regulativ d'indemnisaziun dalla vischnaunca da Mustér.

Art. 9 Dretg da suttascriber

Il dretg da suttascripziun cumpeta al president dalla cumissiun ni a siu substitut ensemen cun il meinafatschenta ni siu substitut.

III. Meinafatschenta

Art. 10 Meinafatschenta

Il meinafatschenta diregia il menaschi tenor las directivas dalla cumissiun. El survigilescha igl entir menaschi, ils detagls ein fixai en in carnet da duers.

IV. Disposiziuns finalas

Art. 11 Vigur

Il cussegl da vischnaunca ha approbau la revisiun parziala da quei regulativ ella seduta dils 11 da december 2020.

El passa en vigur cun igl emprem da schaner 2021 e remplazza il regulativ pil menaschi dil CSC dils 16 da schaner 2015.

Il president communal

Robert Cajacob

Il canzlist communal:

Andri Hendry